

## ACORDO MARCO DE COLABORACIÓN ENTRE A FEDERACIÓN GALEGA DE INSTITUCIÓNS PARA A SÍNDROME DE DOWN (DOWN GALICIA) E A FEDERACIÓN DE ASOCIACIÓNS GALEGAS DE FAMILIARES DE ENFERMOS DE ALZHÉIMER E OUTRAS DEMENCIAS

En Santiago de Compostela a 27 de setembro de 2016

### REUNIDOS

Dunha banda D. Delmiro Prieto González, con D.N.I núm. 71.497.418-D, como Presidente da Federación Galega de Institucións para a síndrome de Down (DOWN GALICIA) con CIF G-15665144 e domicilio en R/ Alejandro Novo González, nº1, Santiago de Compostela.

Doutra banda, D Juan Carlos Rodríguez Bernárdez, con DNI núm. 36.073.858-Z, como Presidente da Federación de Asociacións Galegas de Familiares de Enfermos de Alzhéimer e Outras Demencias –de agora en diante Federación Alzhéimer Galicia- con CIF G-15656739 e domicilio en R/ República Checa 52, Santiago de Compostela.

Interveñen en función dos seus respectivos cargos e no exercicio das facultades que para asinar acordos en nome das entidades que representan teñen conferidas.

### EXPOÑEN

**PRIMEIRO.-** Que a Federación Galega de Institucións para a síndrome de Down (DOWN GALICIA) é unha entidade sen ánimo de lucro, que agrupa ás entidades específicas para a síndrome de Down da Comunidade Autónoma de Galicia, sendo a súa misión a de coordinar, apoiar e impulsar a labor de contribución das entidades membro cara a mellora da calidade de vida de cada persoa coa síndrome de Down e discapacidade intelectual e a das súas familias a través da plena inclusión social e da utilización dos recursos ordinarios da comunidade, asumindo o establecido na Convención das Nacións Unidas sobre dereitos das persoas con discapacidade.

**SEGUNDO:** A misión da Federación Alzhéimer Galicia é mellorar a calidade de vida das persoas que soñen Alzhéimer e outras demencias neurodexenerativas e dos seus cuidadores. Con este fin a Federación Alzhéimer Galicia traballa en fortalecer ás Asociacións de Familiares de Enfermos de Alzhéimer e Outras Demencias (AFAS) galegas e colaborar en xerar cambios na sociedade a favor destas persoas e dos seus cuidadores.

**TERCEIRO.-** Que ambas entidades comparten que as persoas coa síndrome de Down e/ou discapacidade intelectual constitúen un grupo social importante dentro do colectivo das persoas maiores e con alta probabilidade de desenvolver unha demencia neurodexenerativa, polo que resulta de interese por ambas partes establecer un acordo marco de colaboración en base ás seguintes:

### CLÁUSULAS

#### **PRIMEIRA: Finalidade do acordo**

O obxecto do presente Acordo Marco é o establecemento das bases polas que se rexerá a colaboración entre a Federación Galega de Institucións para a síndrome de Down (DOWN GALICIA) e a Federación Alzhéimer Galicia para a posta en marcha e desenvolvemento de

medidas de avance no proceso de envellecemento activo e saudable das persoas coa síndrome de Down e/ou discapacidade intelectual así como promover a súa correcta atención sociosanitaria no caso de desenvolver unha demencia neurodexenerativa.

A este acordo marco considéranse sumadas as entidades membro tanto da Federación Down Galicia como da Federación Alzheimer Galicia para a consecución dos fins perseguidos.

### **SEGUNDA: Persoas destinatarias**

As persoas destinatarias das medidas previstas neste acordo serán as persoas coa síndrome de Down e/ou discapacidade intelectual en proceso de envellecemento ou próximas a este, as propias familias ou representantes legais, así coma os e as profesionais de servizos (sanitarios, residenciais, de emprego, de formación,...) implicados na súa atención.

### **TERCEIRA: Propostas xerais de colaboración**

Ambas entidades se comprometen a participar e colaborar activamente nas actividades e proxectos que se acorde establecer e que irán encamiñados, en termos xerais, a:

1. Intercambio de información sobre o perfil e as necesidades do colectivo de persoas con discapacidade intelectual e cunha demencia neurodexenerativa
2. Asesoramento e traballo compartido no deseño e posta en marcha de programas de envellecemento activo e saudable, tanto específicos para persoas con discapacidade intelectual, coma normalizados para o conxunto de poboación de persoas maiores dos que os destinatarios deste acordo se poidan beneficiar.
3. Buscar fórmulas para mellorar o proceso de envellecemento dos colectivos, a través de recursos, estratexias e metodoloxías de intervención axeitados e adaptados.
4. Promover accións que contribúan a unha maior visibilización, participación e inclusión das persoas maiores con discapacidade intelectual e persoas cunha demencia neurodexenerativa en programas e servizos da comunidade.
5. Colaboración nas actividades/xornadas de formación, sensibilización e información que se poñan en marcha dende algunha das partes implicadas en este acordo, facilitando a participación dos profesionais especialistas de ámbalas dúas entidades e das súas respectivas entidades membros que formen parte do presente acordo marco, de cara a promover as súas actividades, servizos, visión e filosofía.
6. Promover a posta en marcha de cantas actividades de investigación e innovación consideren oportunas a fin de coñecer mellor a situación actual e a evolución das persoas con discapacidade intelectual e cunha demencia neurodexenerativa que envellecen.
7. Promover a elaboración, publicación e difusión de materiais (de sensibilización, difusión, manuais de boas prácticas, recomendacións,...) que se consideren axeitados para algún dos grupos de destinatarios deste acordo (persoas con discapacidade, familias, profesionais sanitarios, profesionais de servizos,...).

### **CUARTA: Protección de datos e confidencialidade**

As partes asinantes arbitrarán todas as medidas que sexan precisas para a debida custodia dos datos aos que teñan acceso e á confidencialidade no seu uso, nos termos que establece a Lei Orgánica 15/1999, do 13 de Decembro, de Protección de Datos de Carácter Persoal.



#### QUINTA: Seguimento e avaliación do acordo

Co obxecto de optimizar e valorar os resultados do presente acordo, constituirase unha comisión de seguimento, composta por dous representantes da Federación Down Galicia e dous da Federación Alzhéimer Galicia. Esta comisión reunirse, con carácter ordinario, unha vez ao ano.

#### SEXTO.- Vixencia


O presente Acordo entrará en vigor ao día seguinte da súa sinatura e terá un período de vixencia indefinido, salvo denuncia expresa dunha das partes asinantes e cun aviso previo de 30 días de antelación.

O acordo obriga ao cumprimento do expresamente pactado, e as partes sométense ao acordado en todas as estipulacións. Como proba de conformidade, as partes asinan por triplicado o presente Acordo no lugar e datas indicados ao inicio do mesmo.



FAGAL  
FEDERACIÓN ALZHÉIMER GALICIA

Asdo: D. Juan Carlos Rodríguez Bernárdez  
Presidente Federación Alzhéimer Galicia



Asdo: D. Delmiro Prieto González  
Presidente Down Galicia